



**PEKELILING PENTADBIRAN
BILANGAN 59 TAHUN 2018**

**BAYARAN KHAS TAHUN 2018
DENGAN PINDAAN DI UNIVERSITI TEKNIKAL
MALAYSIA MELAKA (UTeM)**

Pejabat Pendaftar

18 Disember 2018 | 10 Rabiulakhir 1440H

Disalinkan kepada:

Naib Canselor

Timbalan Naib Canselor (Akademik dan Antarabangsa)

Timbalan Naib Canselor (Penyelidikan dan Inovasi)

Timbalan Naib Canselor (Hal Ehwal Pelajar)

Penolong Naib Canselor (Jaringan Industri dan Masyarakat)

Penolong Naib Canselor (Pembangunan dan Pengurusan Fasiliti)

Pegawai-Pegawai Kanan

UNIVERSITI TEKNIKAL MALAYSIA MELAKA

UTeM.02.14.02/100-3/2/1 (28)

18 DISEMBER 2018
10 RABIULAKHIR 1440H

PEKELILING PENTADBIRAN BIL. 59/2018

BAYARAN KHAS TAHUN 2018 DENGAN PINDAAN DI UNIVERSITI TEKNIKAL MALAYSIA MELAKA (UTeM)

1.0 TUJUAN

- 1.0 Pekeliling Pentadbiran ini bertujuan untuk memaklumkan kepada pengetahuan semua staf Universiti Teknikal Malaysia Melaka (UTeM) mengenai pemakaian Pekeliling Perkhidmatan Bilangan 3 Tahun 2018 “Bayaran Khas Tahun 2018” dengan pindaan di Universiti Teknikal Malaysia Melaka.

2.0 LATAR BELAKANG

- 2.1 Kerajaan telah membuat keputusan supaya Bayaran Khas Tahun 2018 (BKT 2018) sebanyak RM500.00 dibayar kepada pegawai Perkhidmatan Awam Persekutuan dalam Kumpulan Pengurusan dan Profesional serta Kumpulan Pelaksana, atas keprihatinan Kerajaan serta menghargai khidmat bakti penjawat awam.
- 2.2 Kerajaan juga bersetuju memberi BKT 2018 sebanyak RM250.00 kepada pesara Kerajaan yang menerima pencen.

3.0 PELAKSANAAN

- 3.1 Bayaran BKT 2018 sebanyak RM500.00 diberi kepada semua staf Universiti dalam Kumpulan Pengurusan Profesional dan Kumpulan Pelaksana dengan syarat bahawa staf masih berkhidmat sehingga 18 Disember 2018 dan berada dalam perkhidmatan sekurang-kurangnya 30 hari berturut-turut.

- 3.2 Tempoh 30 hari berturut-turut adalah termasuk semua jenis cuti bergaji penuh, Hari Rehat Mingguan, Hari Kelepasan Mingguan dan Hari Kelepasan Am dalam tempoh 1 Januari 2018 hingga 18 Disember 2018.

4.0 STAF YANG LAYAK

- 4.1 Tertakluk kepada perenggan 3.1 dan 3.2 di atas, staf Universiti yang layak dibayar BKT 2018 adalah seperti berikut:

- 4.1.1 staf lantikan tetap, sementara, *contract of service*¹;
- 4.1.2 staf yang bercuti separuh gaji / tanpa gaji tetapi tidak sepanjang tempoh 1 Januari 2018 hingga 18 Disember 2018; dan
- 4.1.3 staf yang dipinjamkan termasuk ke agensi yang diasingkan pengurusan saraannya atau badan antarabangsa atau syarikat swasta tetapi tidak sepanjang tempoh 1 Januari 2018 hingga 18 Disember 2018 ;

5.0 STAF YANG TIDAK LAYAK

- 5.1 Staf yang tidak layak diberi BKT 2017 adalah seperti berikut:
- 5.1.1 staf dalam Kumpulan Pengurusan Tertinggi dan setaraf termasuk staf yang memangku, dipinjam/ tukar sementara dan penempatan khas ke Gred Jawatan Utama/ Gred Khas;
 - 5.1.2 staf yang berkhidmat kurang daripada 30 hari berturut-turut dalam tempoh 1 Januari 2018 hingga 18 Disember 2018;
 - 5.1.3 staf yang bercuti separuh gaji/ tanpa gaji sepanjang tempoh 1 Januari 2018 hingga 18 Disember 2018.

¹ Bagi pegawai di bawah *contract for service*, surat edaran berasingan akan dikeluarkan oleh Kementerian Kewangan

- 5.1.4 staf yang dipinjamkan ke agensi yang diasingkan pengurusan saraannya atau badan antarabangsa atau syarikat swasta sepanjang tempoh 1 Januari 2018 hingga 18 Disember 2018;
- 5.1.5 staf yang dikenakan hukuman tatatertib sepanjang tahun 2018;
- 5.1.6 staf yang ditamatkan perkhidmatan demi kepentingan awam dalam tempoh 1 Januari 2018 hingga 18 Disember 2018; atau
- 5.1.7 staf yang meletak jawatan dalam tempoh 1 Januari 2018 hingga 18 Disember 2018.

6.0 STAF YANG DITANGGUHKAN BAYARAN KHAS

- 6.1 Staf yang ditahan kerja, digantung kerja atau surat pertuduhan telah dikeluarkan oleh Jawatankuasa Tatatertib Universiti ditangguhkan BKT 2018 ini. Staf hanya layak diberi BKT 2018 sekiranya Jawatankuasa Tatatertib mendapati staf tersebut tidak bersalah.

7.0 STAF LANTIKAN CONTRACT OF SERVICE (COS)

- 7.1 Bagi staf lantikan *contract of service* (COS) yang berkhidmat melebihi satu (1) kontrak dalam tahun 2018, BKT 2018 akan dibayar oleh Universiti tertakluk kepada staf tersebut masih berkhidmat pada 18 Disember 2018 dan memenuhi syarat berkhidmat sekurang-kurangnya 30 hari berturut-turut dalam tempoh 1 Januari 2018 hingga 18 Disember 2018.

8.0 PEKERJA SAMBILAN HARIAN (PSH)

- 8.1 BKT 2018 sebanyak RM500.00 dipanjangkan kepada Pekerja Sambilan Harian (PSH) yang masih berkhidmat pada 18 Disember 2018 dengan syarat tempoh kontraknya telah berkuat kuasa sekurang-kurangnya 30 hari berturut-turut dalam tempoh 1 Januari 2018 hingga 18 Disember 2018.

9.0 PESARA

- 9.1 Staf Universiti yang telah menerima pencen dan penerima pencen terbitan pada atau sebelum 18 Disember 2018 di bawah undang-undang pencen akan dibayar BKT 2018 sebanyak RM250.00 oleh Jabatan Perkhidmatan Awam (JPA).
- 9.2 Pesara Perkhidmatan Awam yang dilantik semula secara COS dan masih berkhidmat pada 18 Disember 2018 layak diberi BKT 2018 sebanyak RM500.00 tertakluk memenuhi syarat berkhidmat sekurang-kurangnya 30 hari berturut-turut dalam tempoh 1 Januari 2018 hingga 18 Disember 2018. Pembayaran sebanyak RM250.00 akan dibuat oleh JPA dan bakinya sebanyak RM250.00 akan dibayar oleh UTeM.

10.0 STAF MENINGGAL DUNIA DALAM PERKHIDMATAN

- 10.1 Staf Universiti yang meninggal dunia pada 18 Disember 2018 layak diberi BKT 2018 sebanyak RM500.00 dengan syarat staf telah berada dalam perkhidmatan sekurang-kurangnya 30 hari berturut-turut dalam tempoh 1 Januari 2018 hingga 18 Disember 2018.
- 10.2 Pembayaran kepada mana-mana penerima pencen terbitan yang layak di bawah undang-undang pencen sebanyak RM250.00 akan dibuat oleh Jabatan Perkhidmatan Awam dan bakinya sebanyak RM250.00 akan dibayar oleh UTeM.

11.0 TARIKH PEMBAYARAN

- 11.1 Bayaran Khas Tahun ini akan dibayar pada 18 Disember 2018.

12.0 TANGGUNGJAWAB PEMBAYARAN

- 12.1 Staf yang sedang berkhidmat, pembayaran BKT 2018 ini adalah tanggungan Universiti manakala bagi pesara Kerajaan pembayaran tersebut adalah di bawah tanggungan Jabatan Perkhidmatan Awam.

13.0 TARIKH KUAT KUASA

13.1. Pekeliling Pentadbiran ini berkuat kuasa mulai tarikh ia dikeluarkan.

Sekian, terima kasih.

“KOMPETENSI TERAS KEGEMILANGAN”

Saya yang menjalankan amanah,



MASDZARIF BIN MAHAT
Ketua Pegawai Operasi
Universiti Teknikal Malaysia Melaka
/sya